

«Мотуридийлик - бағрикенглик, мўътадиллик ва маърифат таълимоти» мавзусида конференция ўтказилади



17:49 / 25.03.2025 1080

2025 йил 29-30 апрель кунлари Самарқанд шаҳрида «Мотуридийлик - бағрикенглик, мўътадиллик ва маърифат таълимоти» мавзусида халқаро илмий-амалий конференция ўтказилади.

Конференцияда дунёнинг 100 дан зиёд кўзга кўринган олимлари, муфтийлар, илм-фан арбоблари ва илмий тадқиқодчилар ўз маърузалари билан иштирок этиши кутилмоқда.

Конференция қуйидаги шўъбаларда фаолият олиб боради:

1. Имом Мотуридий ва унинг издошлари илмий меросининг ислом илмлари ривожигадаги ўрни.
2. Мотуридийлик таълимотида умуминсоний қадриятлар талқини.
3. 21 асрда мотуридийлик таълимотининг аҳамияти.

Биринчи шўъба 9-10 асрларда мусулмон олами, хусусан, Мовароуннаҳрдаги ижтимоий-диний муҳит, эътиқод мусаффолигини асраш зарурати, Имом Мотуридийни шакллантиришга хизмат қилган Самарқанд илмий мактаблари, мотуридийлик таълимоти алломаларининг ислом илмлари ривожига қўшган ҳиссаси таҳлилига бағишланади.

Иккинчи шўъба мотуридий алломалар илмий меросида умуминсоний қадриятлар, жумладан, бағрикенглик, мўътадиллик, илм-маърифат ғоялари, уларнинг бугунги кундаги аҳамияти, мотуридийлик таълимоти бўйича хорижий мамлакатларда амалга оширилаётган энг сўнгги тадқиқотлар таҳлилинини ўз ичига олади.

Учинчи шўъбада Имом Мотуридий ва унинг издошлари илмий меросида кўтарилган мавзуларнинг бугунги кун учун долзарб ҳисобланган муаммолар, жумладан дин ниқобидаги гуруҳларнинг ғояларига илмий раiddия беришдаги аҳамиятига бағишланади.

Тезис матнларини расмийлаштириш бўйича талаблар:

1. Тезис сарлавҳасини расмийлаштириш: мақоланинг номи (бош ҳарфлар ва қалин шрифт билан, 14 pt.) марказда, муаллифнинг фамилия, исми ва шарифи (тўлиқ), ташкилот номи, илмий даражаси, илмий унвони, телефон рақами ва электрон почта манзили (10 pt., 1 интервалда) мақола номидан кейин ўнг томонда тўлиқ кўрсатилади.
2. Тезис матнини расмийлаштириш: тезис матни MS Office дастурининг Word муҳарририда, Times New Roman шрифти, 14 кегел катталиги, 1,5 интервалда бўлиши ва 6 бетдан ошмаслиги лозим.
3. Тезис матни таҳрирланган ҳолда А4 ҳажмдаги қоғозга, юқори ва пастдан 2 см., чапдан 3 см., ўнгдан 1,5 см. жой қолдирилиб, электрон шаклда топширилади.
4. Иқтибослар матннинг ўзида [қавс] ичида, фойдаланилган адабиётлар рўйхати мақоланинг охирида келтирилади.

5. Мақолалар конференция йўналишларига оид долзарб мавзуларда ўзбек, рус, инглиз, араб ва турк тилларида тақдим этилиши мумкин.

6. Тезиснинг электрон нусхаси конференция Ташкилий қўмитасига топширилади.

7. Файл номи муаллиф, мақола ҳаммуаллифликда ёзилган тақдирда, биринчи муаллифнинг фамилияси билан номланиши лозим.

8. Тезис матнида келтирилган маълумотларнинг ҳаққонийлигига муаллиф жавобгар ҳисобланади.

Конференцияга топширилган мақолалар тўплам шаклида чоп этилади. Конференция мавзуси, илмийлик ва тегишли талабларга жавоб бермайдиган, кечикиб топширилган мақолалар конференция материаллари тўпламига киритилмайди ва муаллифларга қайтарилмайди.

Конференция учун тезисларни қуйидаги электрон манзилларга юбориш мумкин:

e-mail: conference@moturidiy.uz

WhatsApp: +99 897 130-98-83

Telegram: +99 897 130-98-83

Қўшимча саволлар учун қуйидаги рақамга мурожаат қилишингиз ёки ҳавола орқали маълумот олишингиз мумкин:

Телефон: +99 871 244-35-36

Вебсайт: moturidiy.uz/conference-2025

Манба: moturidiy.uz